

In trê agns la
Universitât di Udin
e vuadagne 17
posizions passant
dal 21ⁿ al 4ⁱ puest
(parie cun Ferrara)
su 58 ateneus
statâi monitorâts



CUART PUEST TAL MONITORAÇ DAL "SOLE-24 ORIS"

Ateneu te spice des universitâts talianis

LA CLASSIFICHE

1. Politecnic di Torin
2. Politecnic di Milan
3. Universitât di Trent
4. **Universitât di Udin**
(parie cun Ferrara)
6. IUAV, Vignesie
7. Modena e Reggio Emilia
8. Pavie
9. Perugia
10. Padue
- ...
19. Triest

Il risultât al è pome dai dis indicadôrs classicis: i talents (al ven a stâi i matricolâts intal ultin an academic cun vôt di maturitât di 100 o cun menzon), l'atrat (% students di fûr regjon o forescj), la dispersion (manjadis iscrizions al secont an), la inativitât (students che no àn otignût credits formatifs), i tîmps di lauree (laureâts in cors), la fuligate (rapuart students in cors/docents pesâts), il tas di ocupazion

a trê agns dal titul (dâts Almalau-rea 2010 (www.almalaurea.it) riferîts ai laureâts dal 2007), i fonts di ricercje (euro par docent di rûl, dâts 2009), i fonts esternis (% sul totâl), la ricercje (partecipazion ai bants PRIN medie 2007/2008, i dâts relatîfs al bant 2009 a son stâts publicâts dal MIUR ai 14 di Lui dal 2011).

"Al è un risultât straordenari" al comente il retôr dal ateneu dal

Frîul, Cristiana Compagno. La assension e je sucedude cundut des risorsis finanziariis statâls in câl continui, grazie ancje «ae di mastine discipline di bilanç che, intai stes agns, e à consintût il recupar di 10 milions di deficit, cuntune tornade anticipade di 2 agns sul plan conuardât cul Ministeri».

Il risultât al è pardabon straordenari se si cjale cui che a son i ateneus che a precedin Udin

Ma nol è dut: ancje la classifiche successive Censis promovude dal cuotidian La Repubblica e riserve altris bielîs sorpresis al Ateneu furlan che al place trê des sôs facultâts al prin puest assolût. A son Lenghis, in spice pal decim an consecutîf, Siencis de formazion e Letaris. Un salt impuartant in indenant lu fâs ancje Jurisprudence. A vuadagnin cualchi posizion ancje Inzegnarie, Agra-

rie e Economiche che, in maniere respetive, a passin dal 15^o ae 11^o puest, dal otâf al setim e dal novesim al otâf, intant che Medicine si conferme al cuart puest.